



SAKSFRAMLEGG

Sakshandsamar: Meline Heimdal Haugland	Arkivkode: FE-242
Arkivsaksnr: 22/239	Løpenr: 22/3439
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Naturutvalet	31.05.2022	016/2022

Vilt- og fiskefondet 2022

31.05.2022 Naturutvalet:

Handsaming i møtet:

Utvalet diskuterte om fondet vert markedsført på rett måte og om ulike foreiningar og organisasjonar er klar over kva ein kan søkje pengar om. Dei diskuterte også om namnet er for snevert og om det kanskje bør endrast.

Utvalet spurte om kor mykje pengar det er på fondet pr. no. Rådmannen kjem tilbake til dette. Rådmannen sitt framlegg til vedtak vart samrøystes vedteke.

NAT- 016/2022 Vedtak:

Samnanger Jeger- og Fiskerlag vert tildelt:

- kr 3750 til vøling som gjenstår på «Smia»
- kr 3750 til nytt tak på fiskebua ved steinkaien på Tysse
- kr 7 500 til kultiveringsarbeid i Holmavatnet

Jf. vedtak 014/2019 i naturutvalet 28.05.19 får Samnanger Jeger-og Fiskerlag kr 20 000 i årleg driftstilskot uavhengig av vedtak i denne saka. Tilskot for 2022 vert utbetalt snarleg.

Rådmannen sitt framlegg til vedtak:

Samnanger Jeger- og Fiskerlag vert tildelt:

- kr 3750 til vøling som gjenstår på «Smia»
- kr 3750 til nytt tak på fiskebua ved steinkaien på Tysse
- kr 7 500 til kultiveringsarbeid i Holmavatnet

Jf. vedtak 014/2019 i naturutvalet 28.05.19 får Samnanger Jeger-og Fiskerlag kr 20 000 i årleg

driftstilskot uavhengig av vedtak i denne saka. Tilskot for 2022 vert utbetalt snarleg.

Dokument som er vedlagt:

Søknad

Årsmelding 2021

Vedtekter for bruk av konsesjonsmidlar i Samnanger kommune

Dokument som ikkje er vedlagt:

Ingen.

Kva saka gjeld:

Kvart år lyser Samnanger kommune ut høve til å søka om konsesjonsmidlar frå *Vilt- og fiskefondet*. Midlane skal nyttast til tiltak som tek vare på eller betrar tilhøva for fisk, vilt og friluftsliv i kommunen. Private, frivillige lag og offentlege instansar kan søkje om tilskot.

Søknadsfristen er 1. april. Det er kome inn ein søknad i 2022. Søknaden er frå Samnanger Jeger- og Fiskerlag (SJFL). Laget søkjer om kr 20 000 i driftsmidlar for 2022 og ber om tilskot til å dekkja nokre av utgiftene med fiskekultivering i 2021 på kr 39 574, og kr 20 000 som dei regner med å få i 2022.

Det er om lag kr 44 600 til fordeling av konsesjonsmidlar i 2022.

Vurderingar og konsekvensar:

I søknaden vert det vist til at det er særskild på fiskesida laget har utgifter som kjem inn under føremålet med tilskotsordninga. I 2021 har SJFL hatt utgifter med å gjera om lokalet «Smia» frå tidlegare klekkeri til lagerplass. Noko arbeid står igjen i 2022. Utanom dette er det forventa utgifter på fiskebua ved steinkaiaen på Tysse som mellom anna må få nytt tak. I tilknytning til kultiveringsarbeidet i Holmavatnet er det òg forventa nokre utgifter. Det står ikkje noko om kva desse utgiftene er.

Laget søkjer om kr 20 000 i driftsmidlar for 2022 og ber om tilskot til å dekkja nokre av utgiftene med fiskekultivering i 2021 på kr 39 574, og kr 20 000 som dei regner med å få i 2022.

Jamfør *Vedtekter for bruk av konsesjonsmidlar i Samnanger kommune* skal Samnanger Jeger og fiskerlag få eit årleg driftstilskot på kr 20 000. SJFL treng ikkje søka om desse midlane, då dei vert utbetalt uavhengig av vedtak i denne saka. Arbeidet som inngår i dette er å arrangera jegerprøvekurs, drift av klekkeri for lakseyngel, organisering av sal av fiskekort og jaktkort.

Øvrige tiltak som vert nemnd i søknaden stettar føremålet med tilskotsordninga. I følgje årsmeldinga for 2021 har laget ein sunn økonomi med pengar på bok og lite gjeld. Det vert difor ikkje vurdert som naudsynt å støtta laget med ytterlegare driftstilskot. Rådmann tilrår at Samnanger Jeger- og Fiskerlag vert tildelt tilskot til vøling som gjenstår på «Smia», nytt tak på fiskebua ved steinkaiaen på Tysse og kultiveringsarbeid i Holmavatnet i 2022.

Søknad	Rekneskap 2021	Budsjett 2022
Straum klekkeri	Kr 6 960	
Tysseelva	Kr 1 863	
Fiskenemnda	Kr 2 000	
Materiale Smia	Kr 28 751	Kr 5 000
Nytt tak fiskebu		Kr 5 000
Fiskekultivering		Kr 10 000

Holmavatnet		
Sum	Kr 39 574	Kr 20 000

Tilskotssatsen er inntil 75% av kostnaden avhengig av andre finansieringskjelder og mengda tilgjengelege midlar i høve til søknadsmassen. Heile eller delar av fondet kan haldast attende dersom det ikkje ligg føre godt kvalifiserte søknader.